

宣講引證  
幼丹沈葆楨題箋  
卷二



風陵文庫

文庫19

F/42

2

35


40

45

50

55

60



粵稽在昔洪範之言曰皇極之敷言是彝是訓于帝其訓自來聖帝明王膺作君作師之任其啟迪顓蒙必三令五申懇懇誥誡然攷三皇五帝以逮三代其佚文遺教僅散見周秦諸書真贋雜糅讀者病之故漢書藝文志於黃帝以下諸目班氏悉註為偽託惟所載

高帝十三篇文帝十一篇為御製文告之始  
惜其書久佚不傳降而晚近則有明祖之大  
誥祖訓全帙具存祇以感發未深遂亦流傳  
不廣欽惟我

聖祖仁皇帝本虞廷十六字之心傳衍為  
聖訓十六條以示覺世牖民之準則

世宗憲皇帝仰秉

遺謨繼志述事

御撰廣訓萬言申明義蘊所謂為天地立心為生  
民立命為往聖繼絕學為萬世開太平者具  
備於斯焉百餘年來內而京師外而各行省  
旁及郡邑里社每逢朔望宣講之期當事者

莫不慎重敷陳罔敢或輟又於歲科兩試使  
士子敬謹默寫著之於令猗歟盛哉所以誘  
掖獎勸子惠元元者何其周詳真摯與聞之  
設立宣講總局始於同治辛未而都人士陳  
貫甫觀察諸君同為之倡是冬余適以提刑  
由黔量移來閩去春復拜旬宣

恩命凡可承流宣化者更無時不欽欽在抱會觀  
察以鄉人戴君光甫所輯宣講引證徵序於  
余循讀數過可謂先得我心顧以簿領紛繁  
遲無以應迨庶務稍暇成此一編乃觀察先  
於七月遽歸道山竟不獲一及見之弗克面  
踐諾責良用惻然今所望戴君與諸鄉君子

宣講引證 卷二 三  
共有以善其後也戴君司宣講有年暇日復  
成此書首卷恭錄

累朝諭旨附以各家註解書目次卷以下則就十  
六條逐句詮釋復用通俗之詞敷衍大意并  
引古人懿行嘉言以類比附證明其事其用  
力之勤集益之廣固不僅為宣講者尋繹之


助也蓋人情於耳所聞者祇警悟於俄頃而  
口所誦者恆服習於終身自有此書則凡山  
陬海澨村豎鄉氓未獲親聆宣講者苟家置  
一冊或朝夕觀摩或互相誦貫其語皆發人  
猛省不啻几席之銘其事皆循分當為不藉  
韋弦之佩從此家喻戶曉身體力行一道同

風太和翔洽上以副

列聖化育之至意下不負觀察與諸君子創設之  
盛舉及戴君勸導之苦心是尤余之所厚望  
也夫

光緒丙子仲冬福建布政使葆亨敬拜識





真經別證

真經別證



以下  
24丁  
白紙

宣講引證卷二

湖南候補知府王卿雲校對

翰林院庶吉士王崧辰校正

宣講 生戴 奎編輯

第一條

敦孝弟以重人倫釋義

敦勉也。爾雅釋詁大也。廣雅釋詁敦者質厚。老子注○

情情厚也書傳孝好也。愛好父母。如所說好也。釋名釋言語弟

者悌也。心順行篤也。白虎通善事父母為孝。善事兄長

為悌。論語注儀禮與幼者言孝弟於父兄。士相見重猶

尊也。禮祭統注人謂朋友九族也。論語孔注天地合氣

命之曰人。素問孔氏曰人倫尊卑之行在於孝經。孝經序疏

右錄金策颺言

會典。直省有真正孝子。撫按嚴行體勘。具題請

勅吏部考試。酌量選授官職。

凡旌表節孝。詳其實蹟。歲終彙

聞。孝子崇祀忠義孝弟祠。節婦年三十至五十。或年逾四十而歿。守節已闕十年以上者。

賜清標彤管四字。以表其閭。同前

第一條

敦孝弟以重人倫廣訓衍引證

萬歲爺的意思說我

聖祖仁皇帝坐了六十一年天下最敬重的是

祖宗親自做成孝經衍義這一部書無非是要普天下人都盡

孝道的意思所以

聖諭十六條頭一件就說箇孝弟

世宗憲皇帝坐了位體着

聖祖教人的意思做出

聖諭廣訓十六篇來先把這孝弟的道理講與你們眾百姓聽。

怎麼是孝呢。

引孝為百行首。詩書不勝錄。富貴與貧賤。俱可追芳躅。若不盡孝道。何以分人畜。我今述俚言。為汝效忠告。百體未成人。十月懷母腹。渴飲母之血。飢食母之肉。兒身將欲生。母身如在獄。父為母舍悲。夫對妻啼哭。惟恐生產時。身為鬼眷屬。一旦見兒面。母命喜再續。自是慈母心。日夜勤撫鞠。母臥濕簟蓆。兒眠乾被褥。兒睡正安穩。母不敢伸縮。兒穢不嫌臭。兒病甘身贖。

橫簪與倒冠。不暇思沐浴。兒若能步履。舉足慮傾覆。兒若能飲食。省口恣所欲。乳哺經三年。汗血耗千斛。劬勞辛苦盡。年將十五六。性氣漸剛強。行止難拘束。衣食父經營。禮義父教育。專望子成人。延師課誦讀。慧敏恐疲勞。愚怠憂勞碌。有過常掩護。有善先表暴。子出未歸來。倚門繼以燭。兒行千里程。親心千里逐。兒長欲成婚。為訪閨中淑。媒妁費金錢。釵釧捐布粟。一日媳入門。孝思遂衰薄。父母面如土。妻子顏如玉。親責反睜眸。妻言不為辱。母披舊衣衫。妻著新羅縠。

父母或鰥寡。爲兒守孤獨。父慮後母虐。鸞膠不敢續。  
母慮孤兒苦。孀幃守寂寞。身長不知恩。糕餌先兒屬。  
健不祝哽噎。病不知藥粥。風燭忽垂危。兄弟分財祿。  
不思創業艱。惟道遺資薄。不識二親恩。惟言我之福。  
蒸嘗亦虛文。宅兆何時卜。人不孝其親。不如禽與畜。  
慈烏知返哺。羔羊猶跪足。何不思此身。德性誰式穀。  
何不思此身。形體誰養育。何不思此身。家業誰給足。  
父母卽天地。罔極難報復。親恩說不盡。略舉麤與俗。  
聞歌憬然悟。免得悲莪蓼。勿以不孝首。枉戴人間屋。

勿以不孝身。枉著人間服。勿以不孝口。枉食天五穀。  
天地雖廣大。不容忤逆族。及早悔前非。莫待天誅戮。  
王中書勸孝歌

這箇孝順的道理大的緊。上而天。下而地。中間的人。沒  
有一箇離得了這箇理的。怎麼說呢。只因孝順是一團  
的和氣。你看天地若是不和。如何生養得許多人物出  
來呢。人若是不孝順。就失了天地的和氣了。如何還成  
箇人呢。

證 龍游縣徐氏。兄弟二人。居隔三十里。十日一輪養母。

兄貧甚。輪內尙少二日。語母曰。兒絕食。母且往弟家。待後補之。母依言而往。至弟門。拒而不納。母言。兄絕食。暫來你家。待後補足。弟怒曰。他無我。豈獨有母。飢甚。聞飯香。哀告曰。敢求一盞充飢。弟密令妻。將飯甑放在床上。以被蓋之。誑謂母曰。飯已食盡矣。母垂淚。忍飢而返。行里許。忽雷電大作。將逆子夫婦皆震死。以飯甑置於其前。王崇實錄

如今且把父母愛惜你們的心腸說一說。你們在懷抱的時候。餓了呢自己不會喫飯。冷了呢自己不會穿衣。你的老子娘當喫把你喫。當穿把你穿。看著你的臉兒。聽著你的聲音兒。你笑呢就喜歡。你哭呢就憂愁。你走動呢就步步跟著你。你若稍有點病兒。就急的。了不得。茶不是茶。飯不是飯。等你身子好了。這纔放下了心。眼巴巴的望着你。一年小。兩年大。不知受了多少辛苦。耽了多少驚恐。養活你。教導你。到得你成人長大。替你成房婚配。望你讀書上進。替你掙家立業。那一件兒不關父母的心。這箇恩是報得盡的麼。

引孝道何盡及時爲貴。毋使親年日短。而悔吾心之未

盡。毋使子力日裕。而傷吾親之不逮。父母生子大都  
二三十歲。子能成立。亦須得二三十歲。爲父母者。待  
至子能養時。年已近五六十矣。譬如持短燭而行長  
路。奔趨投店。尙恐燭滅。況敢逍遙於中路哉。爲人子  
者。擁妻抱子。飽食安眠。漏盡鷄鳴。同衾共枕。豈知堂  
上齒危髮禿之人。又復刪除一日耶。妻子之年方少。  
享用之日正長。况妻可再續。子可再生。而生身父母  
一去不復。上天下地。尋覓無門。危哉。幸未及此。速宜  
孝養。姚弱侯先主訓

你若不曉得你父母的恩。把你待兒子的心腸想一想。  
就曉得了。古人說的好。養兒方知父母恩。

引天下無不愛子之父母。而有不孝父母之子。殊不知  
我之愛子。卽父母之愛我也。人能以愛子之心愛父  
母。則天下無不孝之子矣。韓魏公訓

既然知道父母的恩了。爲甚麼不去孝順他呢。

引幼時全賴我親恩。懷抱提攜。養與殮。設使當時親不  
在。飢寒難保。命難存。萬般勞瘁。有時休。育子辛勤  
無盡頭。能體親心。行孝道。彼蒼必定遂君求。世間



百行孝為先。至孝原來可格天。父育我兮我育子。情如滴溜落階前。人生切勿怨親貧。撫育兒時劇苦辛。有食必須留子食。有衣定必子先輪。兒有微疴親不安。圖維百計徧求干。將身欲把兒身代。涕淚汪汪相對看。父心不比子心腸。祇望兒孫代代昌。白髮老人難百歲。勸君及早敬爺娘。人生強壯漫誇才。妄把雙親忍撇開。縱爾英豪無配耦。詢君六尺曷從來。孝子思親應不閒。親如紅日已西山。門前流水依然在。日向西山不再還。苦口言詞欲動人。勸



君循分孝於親。有朝一日親年老。不見雙親空淚傾。何必靈山燒甚香。只須堂上孝爺娘。晨昏菽水隨時奉。足保兒孫世代芳。天經地義錄勸孝詩

這箇孝順。也不是做不來的事。  
證。天地之性。人為貴。人之行莫大於孝。朱子少年讀孝經。題其上曰。若不如此。便不成人。孟子曰。人之所以異於禽獸者幾希。吾人奉父母之遺體。當思父母生我之身。無一體之不具。生我之心。無一理之不全。何以保守其為人。不至放失。淪於禽獸。此不可不深長

思也。湯文正公語

且如古來的人有臥冰的有割股的有埋兒的

證晉王祥字休徵。早喪母。繼母朱氏不慈。於父前數謔

之。由是失愛於父。母欲食生魚。時值冰凍。祥解衣臥

冰求之。冰自裂。雙鯉躍出。持歸供母。朱子二十四孝集

吳門枚應發。母疾弗瘳。割股以進。母食而愈。日記故事全集

漢郭巨字文舉。家貧。有子三歲。母減食與之。巨謂妻

曰。貧乏不能供母。子又分母之食。盍埋此子。母難再

得。子可復生。妻不敢違。巨掘坑深三尺餘。忽見黃金

一釜。釜上有字云。天賜黃金。郭巨孝子。官不得奪民  
不得取。同上

這樣的事便難學了。也不必定要這樣纔叫做孝。只要

心心念念的放在父母身上就好。

證顧熊性至孝。父娶妾生二子。偏愛之而薄熊。熊孝愈

篤。以舌耕爲業。每歲束脩悉以奉父。毫不敢私。庚子

館於張氏。張知其孝也。故試之。開館之日。卽先與束

脩之半。謂曰。今日之與。令尊不知也。此處適有田賣。

可買之。至秋收可得租米以濟私用。熊曰不可。吾豈

敢為幾斛米改其心而欺吾父哉。卒持歸奉父。王崇實錄

引今夫人子之所以不孝。皆起於小。小而不孝。習成有四。一曰嬌養。父母愛憐過甚。常順他性。驟而逆之。則便不堪。又讓他便宜。任他安逸。令之服勞奉養。則便不習。人前出語。稍有過失。親不忍責其子。而子乃唐突其親。文行技能。父極力誇其子。而子反謂父出我下。積成驕肆。他人處使不出。父母處使得出矣。二曰習慣。言語粗率。慣應對便。敢衝突。動作簡易。慣出入。便敢恣縱。父母分甘絕少。慣遂不復憶其甘旨。父母

扶病忍苦。慣遂不復問其痛癢。三曰喜放縱。見同輩不勝意氣。待雙親而味薄。入私室無限趣態。對高堂而機詭。夫人子不樂對父母。豈有孝心由中出哉。四曰忘恩記怨。夫恩久易忘。怨久易積。人情然也。況父母兄弟。生而習之。以親愛為固然。且有憂我而獲忤者矣。以訓誨為煩瑣。且有譽我而被壓者矣。以任勞獲庇。極力經營為平等。且有強與我事而生怨怒者矣。眼前大恩。恬然不識。況能推及胎養之恩。襁哺之苦。弱質驚魂之痛哉。此四者常人之情。然亦未嘗無

真性但積久而不知悟耳。當急急喚醒。早早回頭。小不孝之漸。卽大不孝矣。然大不孝。習成亦有四。一曰私財。財入我手。便爲我有。而在父母手者。又謂我可得之財也。財足則忘親。財乏則覬親。求財不得。則怨親。且以單子。隻子。而爭財。囉噓者有矣。少長互推。而棄親不養者有矣。不知身誰之身。我不帶一財來。而衣食無缺。以至今日。誰爲之乎。二曰戀妻子。妻子習狎。而父母嚴重也。一旦擁妻抱子。而愛親之念遂衰。也不知子爲我子。而我爲誰子。親旣無賴於我。則我

亦何賴有子哉。妻固可樂。然我當呱呱時。豈解戀妻。卽妻亦何能顧我生活耶。辛勤養我。指望成人代勞。乃子有婦。而親反不得子耶。三曰嫖賭游蕩。貪淫正熾。客誘如狂。有倚廬傷心者。不解也。家業浪費。婦姑勃谿。有激聒讓誚者。不恤也。懷子不寐。風雨淒長。夜之魂垂白。無歡菽水。冷半生之奉。嗚呼。狂興幾何。忍令有此。四曰爭妒。天地之大。人猶有憾。父母之與眾子。情豈無偏。乃攘臂爭財。側目奪寵。或兄弟而參商。或姊妹而計較。相讒毀而家道乖。積嗔怨而孝情薄。

有此四者其流遂不可言矣。顏光衷先生八不孝說  
你們果然要報恩。但就自己力量做得到的。不留餘地。  
著實去奉承兩箇老人家。

證崇明吳老人。生四子。壯年家貧。鬻子以自給。四子盡  
為富家奴。及四子長成。咸能自立。各自贖身娶婦。遂  
同居共養父母焉。居崇明縣西。列肆共五間。伯開米  
店。仲開布庄。叔開醃臘。季開雜貨。四鋪並列其中。一  
間為出入之所。四子養父母。曲盡孝道。膳定。每月一  
輪。週而復始。其媳曰。翁姑老矣。若一月一輪。則必越

三月後。方得侍奉顏色。母乃太疎。復擬每日一輪。媳  
又曰。若一日一輪。則歷三日後。方得侍奉顏色。亦疎。  
乃以一餐為率。如早餐。伯則午餐。仲晚餐。叔則明日  
早餐。季週而復始。若逢五逢十。則四子共設宴中堂。  
父母南向坐。東則四子。及諸孫輩。西則四媳。及諸孫  
媳輩。分昭穆坐定。以次稱觴獻壽。率以為常。老人飲  
食之所。後置一櫥。櫥中各房置錢一千。老人每食畢。  
反手於廚中。取錢往市中。嬉隨意買果餅啖之。廚中  
錢缺。四子潛補之。不令老人知也。老人間往友家。或

博奕或樗蒲。四子密持錢數百文。置所往家。并囑其家。佯輸於老人。老人勝。踴躍持錢歸。老人不知贏子之錢也。率以爲常。老人年九十九。婦年九十七。長子年七十七。餘子俱頽白。孫與曾元數十人。總兵劉紹贈一聯云。九旬夫婦齊眉。五代兒孫繞膝。洵不誣也。予不勝景仰贊嘆。因援筆記之。陸稼書先生  
崇明老人記

引貧人奉養。亦非難事。父母既處寒微。眼界本來不大。布素衣裘。時新食品。隨意一物。皆可娛親。所費原自無多。得之已生歡喜。况人雖極貧苦。未有終歲無一

錢之人者。但能先儘二人之用。而後及其身。而後及其妻子。即竭力之道也。若夫富貴之家。即將父母所遺之物。還以奉之。不過畧費一番調度體貼。而猶不効此激勞。不但不仁。亦大不孝矣。于鐵樵先生語

證明淮安府孝子王允誠。家極貧。事母極孝。夫妻紡織。自食荳餅。而奉母必辦酒肉。妻更賢孝。一日糧盡。孝子無計。妻曰。我輩可餓。婆婆不可餓。即拔下壓髮簪。曰。尙可值數錢。速去。即來。勿使婆婆知也。孝子持赴典。得錢三百文。忽爲騙子局去。空手歸。向妻言其故。

妻曰此命運也。然婆婆終不可餓。卽脫下布衫曰。此雖舊尙可當。孝子又赴當。得錢二百餘文。隨買米菜歸。熟以奉母。母素愛孫。嘗減食與之。至是又呼孫共食。孝子惡其分食也。攜出戶。擗之。不意失手。兒竟死。夫妻恐傷母心。不敢言。母又呼孫。孝子急難隱。言兒往河邊。失足落水死。母急出戶。見兒打死在地。大怒。卽扭子到縣訴逆。官聞其故。爲之淚下曰。至孝如此。而被拐。天理何在。有頃。忽雷震一聲。擊死一人於堦下。手持三百文。卽騙子也。不多時。鄰人來報。孩子活。

矣。縣官嗟異。贈米十石。親送還家。以拜焉。日記故事全集

甯可自己刻苦勤勞。儘著父母喫用安享。

證

李支承永城庠生。父以中風痿痺。支承罷業侍左右。父曰。爾荒爾業何。承曰。人所重者行誼耳。若父病不侍而徒學。不知所學何事。古人不以三公易一日之養。但使吾父無恙。願布衣終吾身。日記故事全集

不可去賭錢喫酒。不可去同人打架。不可暗地裏私自積攢銀子錢。只顧自己的老婆兒女。不顧著父母。就是古人事父母的道理做不出來。都不妨事。只要心裏誠。

實

證

明周昌言武進人。事祖母極誠。館他方四五里。每夜歸爲祖母滌溺器。凡館中所供餅餌菜物悉不食。袖歸奉祖母。祖母病。扶持湯藥。凡污穢不堪之事。皆身親之。父好蕩遊。器服常以抵壓。每冬月必先製棉衣奉父。父以衣入典舖。昌言卽脫已衣奉之。東人見其寒。製衣贈昌言。歸則父又以衣質當矣。昌言復解已衣奉之。而已常著單衣。一日夜半忽心動。急走歸省父。父聞昌言叩門。卽披衣起。方出戶。牆倒壓如雷。卧

榻粉碎。或謂父之不死實昌言孝感也。

日記故事全集

就是每日麤茶淡飯。只要叫他歡歡喜喜喫得下去。這就是孝順了。

天下第一快樂事。首數父母俱存。子愛一聯云。戲彩堂中一味可當五鼎。承歡膝下片時不換千金。要知父母之年。日日減少。漸至衰老。切莫令親沒之後。追悔無及。須要及時孝順。不可稍有違忤。其於鰥父寡母。尤須竭力奉事。承歡戲彩。誘得父母開笑。是我心中大快。對此白髮雙親。祈求上天。多延父母幾年壽。



算。即多受我幾年供奉。想世多親沒。欲孝無由者。天淵之隔。不亦樂乎。石天基先生語

如把這箇道理推開說。就如舉動之間。不端端正正的。這就是褻慢了父母的遺體。便為不孝了。

引孝為百行之首。脩身立德。為盡孝之首。舜之大孝在德。為聖人。故人子思孝其親。不可不砥礪其德。德為聖人。則親為聖人之親。德為賢人。則親為賢人之親。若碌碌虛度。德業無聞。身為庸人。則親為庸人之親。甚至寡廉鮮恥。為小人匹夫之身。則親為小人匹夫

之親。虧體辱親。莫大乎是。縱日奉五鼎之養。亦總是

大不孝。

李二曲先生語

替朝廷做事。不盡心竭力的。叫做事君不忠。猶如待父母不好一般。就是不孝了。做官的若是不好。惹百姓笑罵。這是把父母遺體輕慢了。就是不孝了。在朋友前說話做事。不著實。便玷辱著父母。也是不孝。若是你們兵丁們。上陣出兵的時節。不肯勇猛爭先。叫人笑話你軟弱。這是把父母的遺體下賤了。也是不孝。引士有百行。善莫大於孝。刑有三千。罪莫大於不孝。人

而不孝。雖有他長，皆無足取。蓋根本既虧，安問枝葉。夫人雖至愚，誰不知當孝，而竟有不孝者。總緣見得父母有不是處耳。若真孝子，一出言不敢忘父母，一舉一動皆不敢忘父母。況敢犯上作亂乎。梁月山先生語為今世上忤逆的兒子，狠多。父母說他句，他就變臉。父母罵他聲，他就回嘴。叫他東，他往西。證費狀元宏在京與同年奕棋角勝，戲批其頰。同年不悅，事聞於其父，父即寫書一封，並封竹板一塊，命其踵門領責謝罪。宏持父書與竹板登同年之堂。同年

不出。宏自撲三次。同年詢知其事，急趨出，相抱大哭。宏曰：罪在小弟，兄何哭焉。同年曰：君尚有父督責，我求督責之父，何可得也。復大慟，蓋傷其父之早沒也。仍相好如初。京師傳為美談。王崇實錄

還有自己的妻子，都飽飽煖煖的。父母倒忍飢受凍。引幼兒或罵我，我心覺喜歡。父母嗔怒我，我心反不甘。一喜歡，一不甘。待兒待親兩相懸。勸君今日逢親怒，也將親作幼兒看。兒曹出千言，君聽常不厭。父母一開口，便道多閒管。非閒管，多挂牽。皓首白頭多諳

練。勸君敬奉老人言。莫教乳口爭長短。幼兒尿糞穢。君心無厭忌。老親涕唾零。反有憎嫌意。六尺軀。來何處。父精母血成汝體。勸君敬待老來人。壯時爲爾筋骨做。

看君晨入市。買餅又買糕。少聞供父母。多說詞兒曹。親未膳。兒先飽。子心不比親心好。勸君多出糕餅錢。供養白頭光陰少。市間賣藥肆。惟有肥兒丸。未有壯親者。何故兩般看。兒亦病。親亦病。醫兒不比醫親證。割股還是親之肉。勸君亟保雙親命。富貴養親

易。親常有未安。貧賤養親難。兒不受飢寒。一條心。兩條路。爲兒終不如爲父。勸君養親如養兒。凡事莫推家不富。養親止二人。常與兄弟爭。養兒雖十餘。君皆獨自任。兒飽煖。親常問。父母飢寒不在心。勸君養親須竭力。當初衣食被君侵。親有十分慈。君不念其恩。兒有一分孝。君就揚其名。待親暗。待兒明。誰識高堂養子心。勸君漫信兒曹孝。兒曹樣子在吾身。

書八  
反歌

證。勝曇恭五歲。母病熱。思食寒瓜。土俗不產。曇恭徧求。

乃遇桑門得一瓜以進。人號滕曾子。南史

證明鄒忠穎字肇敏。事親極孝。其妻受母家飲食之餽。不以進姑。忠穎大怒。取牆下濁水飲數碗。自罰曰。忠穎爾何故不能教妻孝母耶。該罰該罰。其妻聞之。遂惶愧。自此感而為孝。忠穎中萬曆癸丑進士。可見妻子不孝。須丈夫教導。自能感化。彼聽信妻言。轉致違父母者。真猪狗不如也。聞忠穎之風。亦可少愧矣。日記故事全集

引子不能孝順父母。而欲婦能孝順翁姑者。蓋百不得

一焉。是故婦之不能孝順。皆由子之不孝順。有以致之。其罪不獨在婦也。至於聽妻妾之語。以生忤逆之心。則又悖逆之甚者矣。其罪可勝誅哉。曾子曰。孝衰於妻子。醒人無限。世俗有子婦與父母同居而各爨者。自奉鮮肥。而親食麤糲。已則醉飽。而親尙未炊。為子婦者。能下咽否。即使父母有力自膳。而竟漠不關心。不問旨否。心上亦自覺過不去。思孝錄

自己惹出禍來。帶累父母受氣。自己犯了事。帶累父母跪官廳。這樣的人。莫說天理上不容。就是自己兒子看

了樣也就跟著學會了。你看不孝順的人那裏養得出箇好兒子來。

證

原穀有祖。年老得病。語多重復。而穀之父厭之。乃造一車。送此老於遠室。謂不見。免得厭惡。穀泣諫。不從。及送祖返時。精藏其車。父曰。爾安用此。答曰。留此以待父老以用之。父愕然感悟。卽迎其祖歸養。卒成孝子。王崇實錄

你們想一想。還不省悟麼。

引近世爲人子者。更有種種弊端。習而不知者。如公親

臨舍。而少長推諉。老友登堂。則冢介諄語。致令爲親者。獨居則點頭太息。對人則發言倉皇。未幾疾病。而永日悽悽。孤燈黯黯。生死寄之庸醫。湯藥委之僮僕。晝奔賄賂之途。痛癢弗問。夜歸溫柔之鄉。寒燠何知。臨危只愁資費。撫棺暫想音容。飲酒食肉。不須三日。爭財角產。豈待期年。草草齋薦。淡淡蘇衣。卜兆求榮。十年不葬。露棺發塚。一穴頻遷。愚而蹈逆。習爲固然。大可歎也。鹿門茅先生語

引欲把親恩數一迴。天高地厚總難猜。吾能數盡青絲

髮只有親恩數不來。乍聽娃兒哭一聲。翻身就把  
手來擎。想他乳哺三年內。一覺何曾睡得成。事不  
如心只叫天。終朝眉鎖苦愁煎。不知這是如何說。但  
見嬌兒便輾然。都是爺娘養下來。何曾只愛小嬰  
孩。只因兒大難姑息。不好將身捧在懷。寸寸絲絲  
總是恩。誰能描得半毫真。蓼莪縱是能描手。只好依  
稀八九分。漫把錢財穀米論。此身都是父娘身。如  
何毫髮能私得。汝是雙親甚麼人。難道親顏似去  
年。蕭蕭白髮已盈頭。西山斜日無多在。及早承歡近

膝前。父母兒孫只一般。一團精血遞相傳。如何汝  
的兒孫貴。只汝爺娘不值錢。豈不深知父母恩。世  
間那有鐵心人。只因看得妻孥重。沒有工夫到老親。  
誰家媳婦起爭端。不使公婆半日安。你不敬婆誰  
敬你。不宜做與後人看。分得些兒卽是恩。不須苦  
與弟兄爭。但凡爭少爭多者。卽是人間不孝人。瞿九思先  
生勸孝  
順詩  
父母之外。就是兄弟。這兄弟們與我原不是兩箇人。他  
身上的骨肉。就是我身上的骨肉。所以叫做手足。

引兄弟手足之義。人人所聞其實未嘗深體。力求盡思。手足二體。持必均持。行必均行。適必均適。痛必均痛。偏廢必弗甯。駢枝必兩礙。是以分形連氣也。方其幼時。無不相好。及其長也。漸至乖離。古人謂孝衰於妻子。悌因以俱衰。人能長保幼時之心。勿令外人得以傷吾肢體。庶可以永好矣。張楊園先生語

你若薄待了弟兄。便是薄待了父母了。就是弟兄們不同母。也是父親的骨血。不可說不是同母。就看做兩樣了。

證

晉王覽字元通。祥之弟也。母朱氏。遇前子祥不慈。覽年四歲。見祥被撻。輒流涕抱護。及長。朱虐使祥妻。覽妻亦往。祥漸有時譽。朱益惡之。乃酖祥。覽知取飲。祥固爭之不與。朱恐覽飲。急傾去。自後每食。覽必先嘗。坐卧必同處。朱感悔。愛祥如愛覽。高月槎先生後集二十四孝集

人世上最親的是妻子。假使妻子死了。還可以另娶得一箇。這兄弟若是沒了。那裏還討得一箇來。喲。

引古人看得兄弟甚重。差父母不遠。蓋如兄弟三人。損失一個。則天地之內。止有兩個。任他萬國九州。若億

若兆人再尋一個來湊不得。

魏冰叔先生語

最愛的是銀錢。假如銀錢用完了。還可以再掙幾個。這兄弟若是沒了。那裏再添得幾箇出來。

引我初生時。不帶一錢來。自孩提以至成人。百事費用。無一非父母之財也。無奈世人一至長大。各聽妻子婢僕之言。兄弟分析。爭多競少。彼此皆謂父母有偏。似乎一時家財。皆當我所獨得。而兄弟不當有。并父母亦不當有者。噫。何其愚也。人苟聽妻子婢僕之言。不孝於親。不和兄弟。縱使億萬家財。盡歸於我。未有

不速敗者。惟平日讓財敦產之人。天必祐之。使常享富厚。斷不爽也。唐翼修先生語

證蘇瓊除南清河太守。有百姓乙普明兄弟爭田。積年不斷。各相援據。乃至百人。瓊召普明兄弟諭之曰。天下難得者兄弟。易求者田地。假令得田地。失兄弟。心如何。因而下淚。諸證人莫不灑泣。普明兄弟乞外更思。分異十年。遂還同住。朱子小學

你們想一想。還是該親愛。不該親愛。怎麼樣箇親愛呢。做兄弟的要敬重哥哥。但凡有甚麼事。或是喫飯。或是



穿衣服或是行禮或是說話或是走路或是坐是立都要先讓做哥哥的。

證孔融年四歲有恭讓之性與諸兄共食梨輒取少者人問其故答曰我為弟職小法當取小宗族皆稱奇

張隱文傳

哥哥病了須要醫他哥哥窮了須要幫他哥哥老了須要服侍他。

引你姊是你同胞的人他日後若富貴便罷若是窮你兩箇要老實供給照顧他你娘要與他東西你兩個

休要違阻若是有些違阻不但失兄弟之情且使你娘生氣又為不友又為不孝記之記之。楊椒山家訓

證

晉咸甯中大疫庾袞二兄俱亡次兄毗復危殆癘氣方熾父母諸弟皆出次於外袞獨留不去諸父兄強之乃曰袞性不畏病遂親自扶持晝夜不眠其間復撫柩哀臨不輟如此十有餘旬疫勢既歇家人乃返毗病得差袞亦無恙父老咸曰異哉此子守人所不能守行人所不能行歲寒然後知松柏之後彫始知疫癘之不能相染也。朱子小學

古來的人就是一鄉一村上的人。比我大十歲的。我就尊他做哥哥。比我大五歲的。我就挨肩隨著他。不敢僭越他。外人比我年紀大。我還要這樣敬重他。何況是我的親哥哥呢。

證唐英公李勣。貴為僕射。其姊病。必親為燃火煮粥。火燎其鬚。姊曰。僕妾多矣。何為自苦若此。勣曰。豈為無人耶。顧今姊年老。勣亦老。雖欲數為姊煮粥。復可得乎。朱子小學

至於做哥哥的。要愛惜著兄弟。兄弟們憑他多大年紀。

我只把他當孩兒看待。比如我的兒子。若是不成才。我也著實恨他罵他打他。他若改好了。轉過臉兒依舊的愛惜他。獨到了兄弟的不好。再不肯慢慢兒勸化他教導他。

證漢繆彤。字豫公。汝南人。少孤。兄弟四人。皆同財業。及各娶妻。諸婦遂求分產。又屢有爭言。彤深為忿歎。乃掩戶自搗曰。繆彤汝修身謹行。學聖人之法。將以齊整風俗。奈何不能正其家乎。弟及諸婦聞之。皆叩頭謝罪。遂改為敦睦之行。可見兄弟乃骨肉之親。無不

可化。惟在善於處置耳。朱子小學。不是粧嘴變臉。就是大呼小叫。偏偏兄弟又不肯認錯。就要爭鬪起來。

引 骨肉失歡。有起於至微。而終至不可解者。止由失歡之後。各自負氣。不肯先下氣耳。朝夕羣居。不能無相失。相失之後。有一人能先下氣。與之話言。則彼此酬復。遂如平時矣。袁氏世範

你想你同你兄弟。都是一箇老子娘養的。你若打兄弟。就是自家打自家一般了。

引 骨肉不和。或因責望太過。或是分財不均。或緣性情各異。作事不齊。或由僕婦之言。彼此離間。此皆不和之根也。若悟此理。當各盡其道。父兄愛子弟。不必責子弟之必順。子弟敬父兄。不必怨父兄之不慈。則情意和協。至財產之與骨肉。孰重孰輕。尤當看破。富者必思吾財。因眾營私。獨擁心。豈無歉。若分與貧者。明則為高義。幽則為陰德。豈不勝於傷情結怨。爭訟費財乎。貧者亦當思彼雖竊眾成家。亦曾辛苦營運。以至增益。豈可盡分。若實係私財。吾輩亦當自立。佔之

甯不心愧。知此便生退讓。至若性情之剛柔不同。或  
謹守。或豪縱。或愛安靜。或喜紛更。臨事便互相是非。  
惟各隨其宜。不因我是。求其必合。豈復爭執。婦女秉  
性褊愎。常懷妒忌。又其所謂舅姑伯叔妯娌。皆假合  
強爲之稱呼。要非天性骨肉。大抵輕於割愛。易於生  
怨。且婢僕喜事者。從中挑逗是非。往往積恨不解。此  
在丈夫嚴諭婢僕。謹事房族。不許傳遞言語。同居行  
走。必須曳履揚聲。恐適逢其議我。彼此生隙。妻妾有  
言。雖或實事。亦不可聽。如此則忿爭何自起哉。袁氏世範

做兄弟的。又不知好歹。見哥哥打他。也就回手來。比如  
一箇人的手足。或是失手打了腳。難道還把腳去踢手  
不成。

引你兄弟是一母同胞的。兄弟當和好到老。不可各積  
私財。致起爭端。不可因言語差錯。小事差池。便面紅  
面赤。應箕性暴些。應尾曉得他性兒的。看我面皮。若  
有些衝擔待他罷。應箕敬你哥哥。要十分心合。敬我  
一般的。纔是若你哥計較你些兒。你便自家跪拜與  
他陪禮。他若十分惱不解。你便央及你哥相好的朋

友勸他不可他惱了你就不讓他你大伯這樣無情的擺布我我還敬他是你眼見的你待你哥哥要學我纔好。楊椒山家訓

如今弟兄們的不和。不是爭財起見。卽是聽老婆的說話。這些老婆們的說話。也有些道理。便不知不覺的聽進去。

引。兄弟之際。異於他人。望深則易怨。地親則易狎。譬如居室。一穴卽塞。一隙卽塗。則無毀頹之慮。如雀鼠不防。風雨不蔽。壁陷楹傾。無可救矣。婢僕之爲雀鼠。妻

妾之爲風雨。甚哉。顏氏家訓

就如做嫂嫂的。向哥哥說道。小叔怎樣偷懶。怎樣花錢。你辛辛苦苦的掙錢。食活著他。他反說長道短。難道我們是他的兒子媳婦。應該孝順他的麼。那箇弟媳婦。也會向兄弟說道。只有哥哥會掙錢。你也掙過錢。你在家裏一樣的做長做短。就是僱箇長工。也沒有這般勞苦的。偏他的娃兒。是箇兒子。做這樣穿買。那箇喫。難道我們的娃兒。不是兒子。不該穿喫的麼。照這樣的話頭。今日說些明日說些。不由做弟兄們聽不進去。

兄弟不和。多由婦人起。兄弟本是一氣。婦人以異姓合在一處。若非十分賢德。必然私心日起。必然嫌疑。易生全在男子心中大有把柄。古人云。不聽婦人言。但此事極難。枕畔巧語影響牽合。或因緣妯娌小錯。密語爲之。張大或裝借自己小容忍。密語極口含冤。或許人巧。或露已拙。使男子細細察之。竟不覺墮其術中。漸不可解。是以婦人之言。不但不是處。不可聽。便說得似是處。也不可聽。婦人之行。不但不好處。要識他的真。便裝得極好處。也要識得他未必是真。總

看得父母兄弟第一團天性。十分真切。如大樹深根。固蒂牢不可拔。這些斜風碎雨。豈能搖動。紀慎齋先生語從此便把弟兄們的心腸。都冷淡下來。了一日一日的攢湊。便至打架廝鬧。無所不至。

引骨肉構難。同室操戈。天必兩棄。從無獨全之理。蓋天之生物。使之一本。未有根本既傷。而枝葉如故者。其有或全。必其弱弗克競。而深受侮虐者也。張楊園先生語漢文帝弟淮南王謀反。廢置蜀郡。不食而死。民歌曰。一尺布。尙可縫。一斗粟。尙可舂。兄弟二人不相容。帝

聞而悔之 漢書

證 曹丕欲害弟植。令七步成詩。不成定行法。植吟曰。煮  
荳燃荳其。荳在釜中泣。本是同根生。相煎何太急。三國志

引 兄弟者分形連氣之人也。方其幼也。父母左提右挈。  
前襟後裾。食則同案。衣則傳服。學則連業。遊則共方。  
雖有悖亂之人。不能不相愛也。及其壯也。各妻其妻。  
各子其子。雖有篤厚之人。不能不少衰也。娣姒之比。  
兄弟則疏薄矣。今使疏薄之人。而節量親厚之恩。猶

方底而圓蓋。必不合矣。惟友悌深至。不為傷人之所

移者免夫。朱子小學

證 趙禮當王莽末年。為賊所執。欲殺而食之。禮叩頭曰。  
母未得食。乞命少時。歸家供訖。即來就死。兄孝聞之。  
自縛於賊曰。禮瘦不如孝肥。願代弟命。禮曰。禮本遇  
賊。何得殺兄。賊義之。俱放。小學韻語註

證 姜肱與弟仲海。季江。甚友愛。雖各娶。不忍別寢。作大  
被同眠。同上

卻不知道弟兄們原是一箇人。就是哥哥無能些。做兄

弟著養活著他。也是應該的。兄弟無能些。做哥哥的養活著他。也是應該的。

證

王侍御妻魏氏甚妒。生子毓俊。侍御私買妾。養於張總兵家。妾亦生一子。及侍御卒。嫡子迎其母子歸。撫愛備至。母曰。他佔爾一分家財。吾甚恨之。爾何不慮耶。俊曰。貧富有命。不在兄弟之多寡。爲人但讀書節用。自能興家。若不成才。家富何益。如魏家表兄。非獨子乎。家財數萬。恃富嫖賭。今一貧如洗。況兒一人勢孤。得弟相幫。亦是美事。母何故恨之。母聞言而悟。鄉

里稱之。

王崇實錄

便是一時閒有些一言兩語。只當他是醉話。或是夢話。便大家撒開了。

證

陳世恩萬曆己丑進士。兄弟三人。惟少弟好遊蕩。早出夜歸。屢戒不從。恩曰。徒傷愛無益。不如以情化之。乃每夜親候於門。俟弟入。卽問以寒溫飢飽等事。而愛惜之情形著於言貌。如是者數夜。弟大慙。不復舊習。王崇實錄

偏要認的真。譬如兩隻手。右手極其能幹。寫字是他。打



算盤是他拿東西也是他。這隻左手就笨的緊。沒有聽見人拿右手去打左手的一箇哥哥兄弟。嫡親手足。如何爭長說短。不顧大局。

引我勸世間人。兄弟要相好。為兄的憐弟小。為弟的念兄老。一般都是艾娘生。吵吵鬧鬧何時了。富貴貧賤總由天。任爾癡呆任爾巧。心腸乖。性情躁。總是爹娘不曾教。親朋也有散場時。兄弟不和身不保。是非也要自思量。兄弟不和名不保。錢財也有用完時。兄弟不和家不保。多憎嫌。多氣惱。說長道短逢人告。結下

冤讐。海濠深。艾娘罔極。何曾報。聯富豪。結權勢。闖門車馬多誇耀。一片精神奉別人。兄弟飢寒不相照。廣布僧。廣布道。燒香吃素拜神廟。無數銀錢養別人。兄弟錙銖多計較。被人欺。被人笑。到門陪禮不敢拘。無數周旋怕別人。兄弟一語先爭鬧。吁嗟乎。兄弟非路人。幾回不見形容槁。爹娘養下一般疼。布被荆花勝封誥。有則改之無則勉。家門和順禎祥兆。黃席門先生兄弟相

歌好  
你想想。銀錢是身外之物。去了還有來的。老婆是別

人家的女兒不和我是一箇老子娘的他知道甚大道理看顧我的弟兄呢。

引自父母看來兄弟原是一體。故見我兄弟如見父母。自有肫然流通處。意氣自不忍加。財利自看得輕。至於兄弟乖和。大抵起於婦人。然我與兄弟一本且爲丈夫。稍知義理。猶不能無彼此。况婦人異姓牽合。又未必通知義理。全要我自主張。以我化彼。潘仲謀先生語若只顧弟兄們不和。做父母的必然生氣。你只看你兒子們打架。你心裏惱不惱。所以做孝子的。再沒有不和。

### 睦弟兄的

引人能孝於親。必能和睦兄弟。兄弟者於身爲手足。於親爲一體。兄弟不和睦。卽是不孝。試觀古來孝子。曷嘗有不弟不友乎。所以曰孝弟。曰孝友。古人常相因言之。此做好人根底也。梁月山先生語

俗語說的好。打虎還得親兄弟。上陣還須父子兵。又說道。好煞了是他人。壞煞了是家人。

證崇明趙某。兄弟二人。兄强悍。弟寬恕。兄結交錢孫二人爲友。酒肉往來。甚是親熱。將弟逐出。妻屢諫不聽。

心生一計。乃屠大狗一隻。糝以衣服。置之後園。謊報其夫曰。不知誰殺死一人。丟我園中。夫急回視。時夜昏黑。莫辨真偽。以手探之。衣上有血。大驚無措。妻曰。盍請錢孫二人。抬出掩埋。夫果往請。二人聞是人命。恐被連累。皆不肯來。夫歸無計。妻曰。事急矣。宜叫二叔幫擡。趙往呼。其弟隨至。妻先以篾蓆卷好。兄弟擡出郊外埋之。從此醒悟。迎歸其弟。不理錢孫二人。二人懷恨。乃具詞告官。言趙某殺人。現埋在某處等語。官拘趙審。其妻隨往。以實情稟明。官來啟驗。果一狗。

因重責錢孫。獎賞其婦。

崇明殺犬勸夫記

又說道。兄弟不和。旁人欺。只顧你們爭閑氣。鬪是非。就有人來挑唆你們。暗算你們。或是鬪毆。或是打官司。再沒有箇不敗家的。

證陸稼書先生為平湖令。有兄弟爭產致訟者。先生呼謂之曰。汝兄弟也。宜各盡其道。命其弟呼爾兄。弟即對兄曰。哥哥。又命其兄曰。還呼爾弟。兄亦即對弟曰。弟弟。又促其更相叫喚。不得住口。如是數十聲。兄弟皆下淚。繼而大哭。各叩頭請罪。願讓產不敢再爭。先

生喜曰。能如此。便不愧哥哥弟弟矣。皆拜謝而去。日

故事  
全集

你們若是孝順友愛呢。做民的纔是良民。做兵的纔是好漢子。但是你兵民們。那一箇不知道。孝順是好事。和睦弟兄是好事。既然知道說好。為甚麼不肯打起精神。痛改前非。去實心實力的做阿。

引子孝親兮弟敬哥。休殘骨肉起風波。劬勞恩重須當報。手足情深最要和。公藝同居今古罕。田真共處子孫多。如斯遐邇皆稱美。子孝親兮弟敬哥。子孝親

兮弟敬哥。怡聲下氣要謙和。難兄難弟名偏重。賢子賢孫貴自多。負米尚能為薄養。讀書甯不擢高科。仲由陳紀皆如此。子孝親兮弟敬哥。子孝親兮弟敬哥。訓賢妯娌事公婆。好遵孟母三遷教。須讀張公百忍歌。孝義睦婣兼任恤。智仁聖義與中和。當時曾子名揚播。子孝親兮弟敬哥。子孝親兮弟敬哥。天時地利與人和。莫言世事常如此。堪歎人生有幾何。滿眼繁華何足貴。一家安樂值錢多。奇哉讓果同懷橘。子孝親兮弟敬哥。子孝親兮弟敬哥。光陰過去疾

如梭庭闈樂處兒孫樂。兄弟和時妯娌和。孝弟傳家  
名不朽。金銀滿匱富如何。要知美譽傳今古。子孝親  
兮弟敬哥。子孝親兮弟敬哥。晨昏定省莫蹉跎。一  
門孝友真難得。百歲光陰最易過。和樂且耽宜自翕。  
彝倫攸敘在謙和。斑衣舞罷壎箎奏。子孝親兮弟敬  
哥。子孝親兮弟敬哥。丈夫休聽婦人唆。眼前金帛  
毋嫌少。膝下兒孫不厭多。但得家和貧也樂。若教不  
義富如何。王韓孝友垂青史。子孝親兮弟敬哥。子  
孝親兮弟敬哥。休傷和氣忿爭多。偏生嫉妒偏艱窘。

暗積私房暗折磨。不孝自然生忤逆。無仁定是產妖  
魔。但聞孝弟傳千古。子孝親兮弟敬哥。子孝親兮  
弟敬哥。莫因微物遂傷和。黃金匱內休嫌少。陰隲田  
中貴積多。私曲豈如公道好。剛強無奈善良何。古今  
簡策多名譽。子孝親兮弟敬哥。子孝親兮弟敬哥。  
吁嗟分析聽搬唆。囊中財物他嫌少。祖上田園你要  
多。夫婦眼前雖快樂。兒孫日後恐消磨。何如孝弟推  
鄉黨。子孝親兮弟敬哥。邵康節先生孝悌歌。  
務須心心念念想著父母兄弟。不要只講了浮文。

證

文王為世子時。朝於王。季日三雞初鳴。而衣服至於寢門外。問內豎之御者曰。今日安否。何如。內豎曰。安。文王乃喜。及日中。又至。亦如之。及莫。又至。亦如之。其有不安節。則內豎以告文王。文王色憂。行不正履。王季復膳。然後亦復初食上。必在視寒煖之節。問所膳。命膳宰曰。未有原。應曰。諾。然後退。朱子小學

不要忽畧了小處

證

司馬溫公與其兄伯康。友愛尤篤。伯康年將八十。公奉之如嚴父。保之如嬰兒。每食少頃。則問得無飢乎。

天少冷。則拊其背曰。衣得無薄乎。朱子小學

不要止圖外人的虛名。

引 人子事親。當為心孝。母為面孝。倘一味致飾於外。而淡漠於中。則自欺以欺其親。是欲孝而反成不孝也。吾儒立身立己。全在一誠。事親且然。而欲百行之無偽。不可得矣。徐子來先生語

引 或問事兄盡禮。不得見之歡心。奈何。程子曰。但當起敬起孝。盡至誠。不求伸己可也。曰。接第之道如何。曰。盡友愛而已。程子語

不要外面好。心裏仍舊不好。

引事親大忌腹誹。夫孝為心德。故言孝者。必以愛敬為主。而奉養次之。言養者。必以養志為主。而口體次之。此誠偽所由分也。顏光衷先生語

證 隋吏部尚書牛宏。弟弼。好酒而酗。嘗醉射殺宏。駕車牛。宏還宅。其妻迎謂宏曰。叔射殺牛。宏聞無所恠。問直答曰。作脯坐定。其妻又曰。叔射殺牛。大是異事。宏曰。已知。顏色自若。讀書不輟。朱子小學  
不要以前好。在後又不好了。

證

晉陶侃每飲酒有定限。嘗歡有餘。而限已竭。殷洪源勸再少進。侃曰。少時曾有酒失。亡親見約。故不敢違。踰限是忘親矣。終不寬飲。按侃官太尉。封長沙公。高

樣先生後二  
十四考集

證 淮陰某宦二子。自幼參商。經年不一相見。後其兄病將革。呼弟至榻前。執其手。謂曰。吾年十九完姻。幼時無妻子之愛。二十八丁艱。晚年無父母之愛。相聚最久。莫如爾我二人。又一生不合。今始悔悟。而吾生已盡矣。痛哉。聞者可不傷心。感應贊言

這方是真真的孝子

證伯俞有過。其母笞之泣。其母曰。他日笞子。未嘗泣。今泣何也。對曰。俞得罪。笞常痛。今母之力。不能使痛。是以泣。朱子小學

證梁彥光為桐州刺史。有滏陽焦通性酗酒。事親禮缺。為從弟所訟。彥光弗之罪。將之學。令觀於孔子廟。於時廟中有韓伯俞母杖不痛。哀母力弱。對母悲泣之像。通感悟。既怨且愧。若無以自容。彥光訓諭而遣之。後改過勵行。卒為善士。隋書循吏傳

真真的好弟兄

證趙彥霄之兄彥榮。遊蕩不節。將家財敗去一半。弟屢諫不從。因求分居。五年兄產蕩盡。飢寒相迫。始悔前非。弟試其改過。除夕置酒語兄曰。弟原無分意。因兄不節。特為兄守先業之半。亦可度日。兄既改過。請復合。仍主家政。即取分券焚之。更出已財。代兄還積欠。次年霄與長子皆登第。王崇實錄

你若是不孝。或是弟兄們不和。就要拿刑法處治了。  
引恭錄



乾隆四十三年正月日

聖諭。朕以仁孝治天下。雖海隅山陬。無不道一風同。朕素褒獎。今有湖廣漢陽府漢川縣武生鄧漢珍。因毆辱母親一案。朕見不孝之罪。無以加刑。將漢珍夫妻剝皮示眾。族長不能訓誨子孫。加以絞罪。左右鄰聞知不報。杖六十。發往黑龍江充軍。教官不能宣化。杖八十。流三千里。州縣之官不能治罪。革職爲民。王氏之母不能訓誨其女。面上刺字。游四門充軍。漢珍所居之地掘土三尺。永不許軍民人等居住。漢珍之母着湖廣布政司每月給米

一擔。給銀一兩。養老。俟漢珍發回。夫妻剝皮示眾。仰湖廣總督發各省府州縣城得知。嗣後如有忤逆不孝父母者。照依漢珍夫妻一樣治罪。欽此。天經地義錄

但你心裏不甚明白。處治你也是枉然。

萬歲爺心裏不忍。所以反反覆覆的勸誡你。你們肯聽萬歲爺的話。大家做箇孝子悌弟。不但一生不犯法。就連你們的兒子孫子也學箇好樣子了。

證文安縣民某娶婦美。而不知孝姑。每夫前泣訴。言姑不仁。夫默然。一夕夫出利刀與視。佯謂曰。汝言我母

不仁。吾欲殺之何如。婦曰甚好。夫又曰汝且謹事一月。使人知汝孝我母惡。然後暗行此事。婦依言。始色柔順事之。過一月。夫又持刀問姑。近日待汝何如。婦曰。比前畧好。夫曰。汝再謹事一月。看何如。至期。又持刀問之。婦曰。姑今待我好。不可殺。夫大怒曰。人生以孝為先。父母之恩。殺身難報。汝不能敬事我母。反教我行此大逆。故辦此刀。實欲斷汝之頭。豈真殺母哉。姑寬汝兩月。使汝改過。以顯我母之慈。然後殺汝。遂執刀砍婦。婦驚懼求饒。久之方釋。後皆成慈孝焉。安

縣化婦  
孝姑記

引同氣連枝。本自榮。些須言語莫傷情。一回相見一回老。能得幾回作弟兄。兄弟同居。忍便安。莫因毫末起爭端。眼前生子又兄弟。留與兒孫作樣看。天經地義兄弟

詩好  
俗語說的好。忤逆常留忤逆種。孝順還生孝順兒。果然子子孫孫都是孝子悌悌。天下沒有不太平的人家。沒有不興旺的。

引昔子路見孔子曰。負重涉遠。則不擇地而休。家貧親

老當不擇祿而仕。昔者由也。事二親之時。嘗食藜藿之食。為親負米於百里之外。親沒。南游於楚。從車百乘。積粟萬鍾。顧欲食藜藿為親負米。不可得也。子曰。由也。事親可謂生事盡力。死事盡思者也。每感斯言。雖亡若存父母之恩。云何可報。慈如河海。孝若涓埃。今日富貴。而不及奉養。譬如荒年。而有七寶。飢不可食。寒不可衣。永慕長號。何解悲思。梁武帝孝思賦序

引昔孔子出行。見皋魚哭。孔子曰。子非有喪。何哭之悲也。皋魚曰。吾少而好學。周流諸侯。以悅吾親。樹欲靜

而風不甯。子欲養而親不在。往而不可追者。年也。去而不可見者。親也。孔子曰。弟子識之。於是門人辭歸。養者十有三。孔子家語

證王十朋字龜齡。年四十七。魁天下。以書報其弟夢齡。曰。今日唱名。蒙恩賜進士及第。惜二親不見。痛不可言。嫂及二子。聞詩聞禮。可以此示之。孫述甫先生事親規約解

引松陰繫馬啓朱扉。粗糲青紅正此時。守墓萬家猶有日。及親三釜永無期。詩成漫寫天涯恨。淚盡何由地下知。富貴賤貧俱有限。此生長廢蓼莪詩。陸放翁感懷詩

引觸目家山總是思。思親况遇早春時。日長每聽詩書  
訓。風暖頻隨杖履嬉。百歲韶華成荏苒。終天涕淚感  
睽離。自緣孤子無誠孝。不是人生有盛衰。風光滿  
目動哀思。春草春花似舊時。堂斧已成終古恨。斑斕  
不復往時嬉。中宵願解追前夢。隔歲猶如在遠離。卻  
憶高堂覽明鏡。曾將華髮嘆年衰。薛文清公思親詩  
引瑟瑟涼颼落葉秋。啼烏烟雨不勝愁。一官坏土從雲  
隔。半世孤兒弔影留。未讀遺書經執雁。憑叨厚祿枉  
椎牛。私門王事俱無補。他日江湖也淚流。韓慕廬五  
十述懷詩

證  
宋熙甯中。洪皓游太學。其父作詩寄皓曰。太學何榮  
且一歸。十年甘旨誤庭闈。休辭客路三千遠。須念人  
生七十稀。腰下雖無蘇子印。篋中尚有老萊衣。歸時  
定約春前後。免使高堂賦式微。皓得詩歸養。天經地  
義錄  
引奉勸世間人。兄弟宜和睦。方在幼年時。友愛何其篤。  
飲食與寢興。時刻相徵逐。歌哭每同聲。課誦亦同塾。  
如何至成人。離心且反目。不是論錢財。必是爭田屋。  
甚至吃官司。兩下俱虧縮。富者變成貧。秀者還成俗。  
連枝寸寸傷。荆樹成枯木。汝試細思量。莫看同胞毒。

財盡可重來。產去還能復。惟有連根親。天生如手足。  
若使有傷殘。那得尋來續。莫聽枕邊言。莫聽閒人嗾。  
吃酒有良朋。急難須親屬。籬破犬能鑽。勿墮他人局。  
當思百忍圖。當學浦江族。貧富本難齊。衣食前生錄。  
有田儘可耕。勞力牽牛犢。有店儘可開。餬口謀餽粥。  
若是總明郎。勤把詩書讀。何必為些須。有傷親骨肉。  
莊子兄弟  
和睦歌

證 唐元宗素友愛。為長枕大被。與兄弟同寢處。設五帷  
幄。諸王共處其中。題其西樓曰花萼相輝之樓。唐史

聖祖仁皇帝的一片盛心哩。

你們都著實的做。萬萬不可看做常套。辜負了

卷之三

三

國語行研在冠一平願為翻  
 在在楚斯制定有轉轉長世漸家純和國命也



